

Aukabing SSNE
Vefþing
11. desember 2020

Fundargerð

1. Þingsetning.

Formaður SSNE, Hilda Jana Gísladóttir, setti fund kl. 8:30 og bauð fundarmenn velkomna fyrir hönd stjórnar.

1.1. Kosning fundarstjóra og tveggja ritara.

Formaður lagði til eftirfarandi starfsmenn fundarins:

Fundarritarar:

- Helga María Pétursdóttir.
- Ari Páll Pálsson.

Samþykkt samhljóða.

Fundarstjóri:

- Sigurður Þór Guðmundsson.

Samþykkt samhljóða.

Sigurður tók við fundarstjórn og þakkaði traustið. Hann fór yfir það hvernig kosið yrði á fundinum. Þegar hann hefði borið upp tillögu réttu þeir upp hönd rafrænt (raise hand) sem samþykktu tillöguna. Hann bað fundargesti að skíra sig fullu nafni og þingfulltrúa auk þess að setja A framan við nafnið sitt og fyrir hvaða sveitarfélag þeir mættu til að auðvelda yfirferð á atkvæðagreiðslum.

Sigurður kynnti eftirfarandi tillögu stjórnar um kjörnefnd fundarins:

- Helgi Héðinsson formaður.
- Helena Eydís Ingólfssdóttir.

Samþykkt samhljóða.

Sigurður kynnti eftirfarandi tillögu stjórnar um fjárhags- og stjórnsýslunefnd fundarins:

- Katrín Sigurjónsdóttir, formaður.
- Gunnar Gíslason.
- Finnur Yngvi Kristinsson.

- Kolbrún Ada Gunnarsdóttir.
- Árni Pétur Hilmarsson.

Samþykkt samhljóða.

Helgi Héðinsson, formaður kjörnefndar, upplýsti fundinn um að fleiri en 2/3 þingfulltrúa væru mættir og fundurinn því lögmætur.

Fundarstjóri lýsti fundinn lögmætan og gengið var til auglýstrar dagskrár.

[Hér má hlusta á upptöku.](#)

2. Umhverfismál – staða og næstu skref.

Guðmundur Ingi Guðbrandsson, umhverfis- og auðlindaráðherra, ræddi úrgangsmál, samstarf ríkis og sveitarfélaga í umhverfismálum og fjármagn ráðuneytisins til sóknaráætlana landshlutanna. Hann sagði frá vinnu við breytingar á úrgangslöggjöf og að þar hefðu verið stigin ákveðin skref. Guðmundur sagði að horft væri til hringrásarhagkerfisins og að reynt væri að koma á heildstæðu kerfi sem tæki til úrgangsmála, betri hönnunar frá fyrstu stigum og nýtingar á úrgangi sem efni í frekari vöru eða þjónustu.

Guðmundur sagði stöðuna í úrgangsmálum hér á landi ekki nógu góða þótt víða væri vissulega unnið gott starf. Tölur yfir endurvinnsluhlutfall heimilisúrgangs sýndu um 30% en m.v. markmið sem lagt hefði verið upp með ætti það að vera um 50%. Hann sagði of mikið vera urðað og of lítið endurunnið og að unnið væri eftir markmiðum því tengdu í nýrri stefnu um meðhöndlun úrgangs.

Guðmundur sagði leiðir til að ná markmiðunum um endurvinnslu vera að taka upp sérstaka söfnun, þ.e. að safna pappa og pappír sérstaklega, plasti sérstaklega o.s.frv. Hann sagði þessa leið hafa gefist vel í Evrópu til að gera mismunandi úrgangsstrauma hreinni svo þeir hentuðu betur til endurvinnslu. Samhliða yrði sett bann á að urða það sem væri flokkað. Þá yrði lagt til að flokkun sorps á heimilum og í fyrirtækjum yrði gert að skyldu og flokkun samræmd á öllu landinu. Samhliða þessu yrði horft til sanngjarnari gjaldtöku og búnir til hvatar fyrir fólk og fyrirtæki til að flokka.

Guðmundur sagði alltaf eitthvað falla til sem ekki væri hægt að endurvinna sem væri þá betra að brenna en að urða. Hann sagði Umhverfisstofnun hafa umsjón með gerð úttektar á brennslumálum á Íslandi og að verið væri að vinna úr skýrslu því tengdu. Meginniðurstöður væru þær að til lengri tíma væri ekki fýsilegur kostur að flytja til útlanda í brennslu. Hann sagði frekari greiningu á brennslu héraðs hafna og þá hvort fýsilegra væri að vera með eina stóra brennslustöð eða fleiri minni.

Varðandi samstarf ríkis og sveitarfélaga í umhverfismálum sagði Guðmundur ráðuneytið vera í samstarfi við SÍS. Hann sagðist velja fyrir sér hvort koma þyrfti á formlegri samstarfsvettvangi þar sem verkefnið væri sameiginlegt. Sveitarfélögin bæru ábyrgð á að uppfylla markmiðin en ríkið færi með löggjöf og gæti aðstoðað með fjármagn. Hann sagði að ein leið væri að halda ársþing eða hafa fulltrúa sveitarfélaga í samstarfshópum með ráðuneytinu.

Guðmundur kvaðst ánægður með aukna áherslu á umhverfismál í sóknaráætlunum landshlutanna. Hann sagði það í takti við hringrásarhagkerfishugsun og loftslagsmál. Árið 2020 var framlag umhverfis- og auðlindaráðuneytisins til sóknaráætlana 10 m.kr. Hann sagði að á næsta ári færi ráðuneytið í gang með styrki til nýsköpunar, til að stuðla að frekari endurvinnslu og flokkun, sem sveitarfélög og aðrir gætu sótt í.

Fundarstjóri opnaði fyrir umræður um umhverfismál.

[Hér má hlusta á upptöku.](#)

3. Skýrslur um framvindu starfs- og fjárhagsáætlunar.

3.1. Starfsáætlun 2021.

Hilda Jana kynnti [starfsáætlun](#) stjórnar fyrir árið 2021, helstu [verkefni SSNE frá síðasta ársþingi og vinnu við val á áhersluverkefnum](#) fyrir árið 2021. Þingfulltrúar fengu starfsáætlunina senda fyrir þingið.

Á ársþingi SSNE 9. og 10. október sl. var lagt til að markmiðum og áhersluatriðum í sóknaráætlun yrði fækkað og var stjórn falið að koma með tillögu í þeim efnum á aukaðingi í desember. Hilda Jana sagði þá vinnu hafna en vegna mikilla anna starfsfólks óskaði stjórn eftir heimild aukadings til að fresta því að tillögurnar kæmu fram þar til á fyrirhuguðu ársþingi í apríl 2021.

Þá fól ársþingið stjórn að skoða sérstaklega hvort tilefni væri til að stofna fagrað umhverfismála og með hvaða hætti fylgja ætti eftir áherslum í sóknaráætlun er varðar umhverfismál innan SSNE. Á stjórnarfundi miðvikudaginn 9. desember sl. var samþykkt að óska eftir því við aukadning að skipuð yrði undirnefnd umhverfismála og að þingið veitti stjórn heimild til að skipa í hana innan mánaðar.

Hilda Jana lýsti yfir óánægju með frumvarp um opinberan stuðning við nýsköpun í kjölfar niðurlagningar Nýsköpunarmiðstöðvar Íslands og sá stjórn SSNE ástæðu til þess að [bóka](#) um málið. Hilda Jana taldi eðlilegt að aukadningið ályktaði með sambærilegum hætti væri það sammála bókun stjórnar.

Fundarstjóri opnaði fyrir umræður um málefnið.

3.1.1. Tillögur.

Fundarstjóri bar fyrstu tillöguna undir atkvæði fundarins og bað þá sem samþykktu um að rétta upp hönd.

„Aukadning SSNE samþykkir að skipuð verði undirnefnd umhverfismála hjá SSNE og felur stjórn að skipa í hana innan mánaðar.“

Samþykkt með þorra atkvæða.

Fundarstjóri bar aðra tillöguna undir atkvæði fundarins og bað þá sem samþykktu um að rétta upp hönd.

„Aukadning SSNE samþykkir að veita stjórn heimild til þess að fresta fyrirhugaðri endurskoðun á sóknaráætlun til næsta þings SSNE í apríl 2021.“

Samþykkt samhljóða.

Sveinn Margeirsson lagði fram breytingatillögu varðandi ályktun um frumvarp um opinberan stuðning við nýsköpun og dró Hilda Jana í kjölfarið tillögu stjórnar til baka.

Fundarstjóri las upp breytingatillöguna þegar tekið hafði verið tillit til athugasemda þingfulltrúa:

"Aukadning SSNE telur nauðsynlegt að frumvarp um opinberan stuðning við nýsköpun verði sett fram með skýrari hætti en gert hefur verið. Gríðarlegir hagsmunir eru undir í því að skapa öflugt stuðningskerfi við nýsköpun á landsbyggðunum og er nauðsynlegt að útfæra með hvaða hætti ná skal því markmiði á landsbyggðunum að efla nýsköpun með sveigjanlegu stuðningskerfi, sterkum tengslum við háskólasamfélag, atvinnulíf og hagaðila. Aukadning SSNE telur eðlilegt að í stjórn Tækniseturs í

Vatnsmýrinni sé að lágmarki þriðjungur stjórnarmanna búsettir utan áhrifasvæðis höfuðborgarinnar, auk þess sem útfært verði með hvaða hætti jafna eigi möguleika fyrirtækja og einstaklinga á landsbyggðunum til þess að nýta aðstöðu og sérhæfðan tækjabúnað í Vatnsmýrinni."

Fundarstjóri bar tillöguna undir atkvæði fundarins og það þá sem samþykktu um að rétta upp hönd.

Samþykkt samhljóða.

[Hér má hlusta á upptöku.](#)

3.2. Fjárhagsáætlun 2020 og 2021.

Eyþór Björnsson, framkvæmdastjóri SSNE, kynnti endurskoðaðar fjárhagsáætlanir [2020](#) og [2021](#). Þingfulltrúar fengu áætlanirnar og [greinargerð](#), með nánari útlistun á helstu breytingum, sendar fyrir þingið.

Fundarstjóri gaf því næst Katrínu Sigurjónsdóttur, formanni fjárhags- og stjórnsýslunefndar, orðið.

Katrín las upp bókun nefndarinnar sem fundaði 10. desember sl. og lagði hún síðan til að áætlanirnar yrðu samþykktar.

„Fjárhags- og stjórnsýslunefnd hefur farið yfir endurskoðaðar fjárhagsáætlanir SSNE fyrir árin 2020 og 2021 og gerir ekki athugasemdir við framlögð gögn. Nefndin fagnar því að birt er greinargerð vegna fjárhagsáætlunar sem varpar ljósi á forsendur, gerir allt upplýsingaflæði betra og málefnið skýrara.“

Fundarstjóri opnaði fyrir umræður um fjárhagsáætlun 2020 og 2021.

Fundarstjóri bar endurskoðaðar fjárhagsáætlanir SSNE undir atkvæði fundarins og það þá sem samþykktu um að rétta upp hönd.

Samþykkt samhljóða.

[Hér má hlusta á upptöku.](#)

3.3. Úthlutunarnefnd Uppbyggingarsjóðs.

Katrín Sigurjónsdóttir, formaður úthlutunarnefndar Uppbyggingarsjóðs, kynnti starf nefndarinnar. Hún fór yfir umsóknarferli ársins sagði nefndina nú þegar hafa fundað og sett upp tímalínu. Nefndin hafði þá meðal annars rætt um aukið vægi styrkja á sviði umhverfismála. 201 umsókn barst sjóðnum og er það 27% aukning á milli ára. Til úthlutunar vegna ársins 2021 eru 75 m.kr. en sótt var um 436 m.kr. og sagði hún því ljóst að mikil vinna væri fyrir höndum.

Fundarstjóri frestaði umræðum um þennan lið, ef einhverjar yrðu, fram yfir kaffihlé.

[Hér má hlusta á upptöku.](#)

Kaffihlé.

4. Áfangastaðastofur.

Eyþór Björnsson, framkvæmdastjóri SSNE, kynnti [tillögur að uppsetningu áfangastaðastofu á Norðurlandi](#). Hann sagði framkvæmdastjóra MN, SSNV og SSNE hafa sammælt um tillögu að hlutverki og formi

áfangastaðastofu Norðurlands og sett fram greinargerð þar um. Greinargerðin var lögð fyrir stjórnir landshlutasamtakanna og [bókaði](#) stjórn SSNE um málið.

Eypór sagði að hlutverk og verkefni væru skilgreind í samningi við atvinnuvega- og nýsköpunarráðuneytið en það væri sett í hendur landshlutasamtakanna að útfæra áfangastaðastofuna. Hann sagði markmið samningsins vera að efla stoðkerfi ferðaþjónustunnar og stuðla að jákvæðum framgangi ferðaþjónustu á starfssvæði samtakanna.

Eypór sagði að SSNE væri í samtali við SSNV og MN um útfærslur og að verkefnið væri nálgast með það fyrir augum að til yrði þjónustusamningur landshlutasamtakanna við MN um að annast verkefni áfangastaðastofu. Landshlutasamtökin fengu þá hvor sinn mann í stjórn MN við breytingarnar. Hann sagði sveitarfélög þannig fá aðkomu að stjórn MN í stað áheyrnarfulltrúa og tækifæri til að hafa áhrif á starfsemi þar bæði í gegnum stjórnarmann og þjónustusamning.

Hilda Jana sagði að í samræmi við verkefni og tilgang félagsins vildi stjórn SSNE fá fram afstöðu þingsins til að halda áfram vegferðinni.

Fundarstjóri opnaði fyrir umræður um tillögur að uppsetningu áfangastaðastofu á Norðurlandi.

4.1. Tillaga.

Fundarstjóri bar tillögu stjórnar undir atkvæði fundarins og bað þá sem samþykktu um að rétta upp hönd.

„Árþing felur stjórn að ganga til samninga um áfangastaðastofur.“

Samþykkt samhljóða.

[Hér má hlusta á upptöku.](#)

5. Samvinna sveitarstjórnarfulltrúa og þingmanna.

Hilda Jana ræddi [samvinnu sveitarstjórnarfulltrúa og þingmanna](#) sem hefðu fundað reglulega undanfarin ár. Hún sagði fundina hafa verið gagnlega en að fyrirkomulagið hefði einnig verið gagnrýnt. Margir sveitarstjórnarfulltrúar kölluðu eftir því að samtalið og samvinnan yrði markvissari og ekki jafn einhliða og þeir hafa upplifað hingað til. Að lokum fór hún yfir helstu ábendingar sveitarstjórnarfulltrúa sem myndu leiða til betri samvinnu og lagði fram tillögu að áskorun aukapings til þingmanna kjördæmisins.

Fundarstjóri opnaði fyrir umræður um samvinnu sveitarstjórnarfulltrúa og þingmanna.

5.1. Tillaga.

Fundarstjóri bar aðra tillöguna undir atkvæði fundarins og bað þá sem samþykktu um að rétta upp hönd.

„Aukaping SSNE skorar á þingmenn kjördæmisins að vinna í samstarfi við sveitarstjórnarfólk á Norðurlandi eystra að bættu, skilvirkara, skipulagðara og öflugra samráði við sveitarstjórnarfólk á svæðinu. Aukaping SSNE leggur til að þrír þingmenn kjördæmisins og þrír fulltrúar SSNE vinni sameiginlega tillögu til úrbóta á skipulagi samstarfs kjörinna fulltrúa á Norðurlandi eystra.“

Samþykkt samhljóða.

[Hér má hlusta á upptöku.](#)

6. Önnur mál.

6.1. Laun stjórnarmanna og nefndarmanna í starfshópum, fagráðum og úthlutunarnefnd.

Hilda Jana kynnti tillögu um tímabundinn viðauka við [samþykktu tillögu ársþings](#) um greiðslu þóknana til stjórnar og nefndarmanna í starfshópum, fagráðum og úthlutunarnefnd. Hún sagði laun stjórnar beintengd stjórnarlaunum hjá Akureyrarbæ og vildi stjórn bera undir þingið hvort SSNE fara ætti sömu leið varðandi lækkingu launa ([15. gr. í reglum um launakjör og starfsaðstöðu bæjarfulltrúa og nefndarmanna hjá Akureyrarbæ](#)).

Fundarstjóri opnaði fyrir umræður um breytingu á launum stjórnar og nefndarmanna í starfshópum, fagráðum og úthlutunarnefnd.

Elías Pétursson bar upp munnlega tillögu þar sem stjórn var falið endurskoða viðmiðunarfjárhæð launa og hafa hana ekki beintengda við viðmiðunarfjárhæð Akureyrarbæjar.

Guðmundur Baldvin Guðmundsson lagði til að tillaga stjórnar um viðmiðunarfjárhæð launa yrði kynnt ekki síðar en á aukþingi í desember 2021 og tæki gildi árið 2022.

6.1.1. Tillaga.

Fundarstjóri bar tillögu stjórnar undir atkvæði fundarins og bað þá sem samþykktu um að rétta upp hönd.

„Frá 1. janúar til 31. desember 2021 gildir tenging við launavísitölu ekki. Laun stjórnarmanna lækka um 5% 1. janúar 2021 og taka ekki öðrum breytingum til loka árs 2021.

Laun stjórnarmanna SSNE skulu vera 45.266 kr. fyrir setinn stjórnarfund. Laun formanns skulu einnig vera 45.266 kr. fyrir setinn stjórnarfund auk mánaðarlauna að fjárhæð 118.821 kr.

Laun nefndarmanna í starfshópum, fagráðum eða úthlutunarnefnd, fyrir fundarsetu, sem nema tveimur þriðju af launum stjórnarmanna SSNE á hverjum tíma skulu vera 30.177 kr. fyrir setinn fund og laun formanns 45.266 kr. Auk þess fá nefndarmenn og formaður úthlutunarnefndar 750 kr. fyrir yfirferð hverrar verkefnaumsóknar og 1.000 kr. fyrir yfirferð hverrar umsóknar um stofn- og rekstrarstyrk.“

Samþykkt samhljóða.

6.2. Almennar umræður.

Fram kom ábending um frekari fylgigögn sem send yrðu þingfulltrúum fyrir ársþing varðandi þau málefni sem yrðu rædd. Þá var farið yfir ritun fundargerða ársþinga og bókun stjórnar SSNE þess efnis frá 9. desember sl. Bókunin er svohljóðandi:

„Stjórn SSNE samþykkir að í fundargerðum árs- og aukþinga sé farið eftir venjum um ritun fundargerða og að þær innifeli skýran inngangstexta og afgangsskyldu mál þar sem fylgiskjöl og upptaka fylgi viðkomandi lið“.

Að lokum var borin upp tillaga stjórnar um hvar ársþing SSNE 2021 skyldi haldið.

6.2.1. Tillaga.

Fundarstjóri bar tillögu stjórnar undir atkvæði fundarins og bað þá sem samþykktu um að rétta upp hönd.

„Ársþing SSNE verður haldið 16-17. apríl 2021 í Eyjafjarðarsveit (ef aðstæður leyfa).“

Samþykkt samhljóða.

7. Þingslit.

Fundarstjóri kallaði eftir samþykki fundarins fyrir því að fela fundarstjóra og fundarriturum að klára fundargerð og að hún yrði síðan birt á vefsíðu SSNE.

Fundarstjóri bað þá sem samþykktu að rétta upp hönd.

Samþykkt samhljóða.

Fundarstjóri þakkaði fyrir góðan fund og gaf Hildu Jönu orðið.

Hilda Jana þakkaði fundarstjóra, starfsmönnum og stjórn kærlega fyrir sitt framlag.

[Hér má hlusta á upptöku.](#)

Fundi slitið kl. 11:47.

Fyrirlesari:

Guðmundur Ingi Guðbrandsson, umhverfis- og auðlindaráðherra.

Skráðir gestir:

Albertína Friðbjörg Elíasdóttir, þingmaður Norðausturkjördæmis.

Ásthildur Sturludóttir, bæjarstjóri Akureyrarbæjar.

Finnur Yngvi Kristinsson, sveitarstjóri í Eyjafjarðarsveit.

Jónas Egilsson, sveitarstjóri Langanesbyggðar.

Líneik Anna Sævarsdóttir, þingmaður Norðausturkjördæmis.

Snorri Finnlaugsson, sveitarstjóri í Hörgársveit.

Starfsmenn og embættismenn:

Ari Páll Pálsson, verkefnastjóri hjá SSNE.

Baldvin Valdemarsson, verkefnastjóri hjá SSNE.

Charlotta Englund, verkefnastjóri hjá SSNE.

Elva Gunnlaugsdóttir, verkefnastjóri hjá SSNE.

Eyþór Björnsson, framkvæmdastjóri SSNE.

Helga María Pétursdóttir, verkefnastjóri hjá SSNE.

Karen Nótt Halldórsdóttir, verkefnastjóri hjá SSNE.

Nanna Steina Höskuldsdóttir, verkefnastjóri hjá SSNE.

Rebekka Kristín Garðarsdóttir, verkefnastjóri hjá SSNE.

Silja Jóhannesdóttir, verkefnastjóri hjá SSNE.

Vigdís Rún Jónsdóttir, verkefnastjóri menningarmála hjá SSNE.

Þingfulltrúalisti 2020:

Aðalmenn	Mæting	Varamenn	Mæting
Pröstur Friðfinnsson	x	Fjóla V. Stefánsdóttir	
Margrét Melstað	x	Þórarinn Ingi Pétursson	
Kristján Þór Magnússon	x	Heiðbjört Þóra Ólafsdóttir	
Helena Eydís Ingólfssdóttir	x	Birna Ásgeirsdóttir	
Kolbrún Ada Gunnarsdóttir		Berglind Hauksdóttir	
Hjálmar Bogi Hafliðason	x	Bergur Elías Ágústsson	
Hafrún Olgeirsdóttir		Hrund Ásgeirsdóttir	
Arnór Benónýsson	x	Margrét Bjarnadóttir	
Árni Pétur Hilmarsson	x	Dagbjört Jónsdóttir	
Jóna Björg Hlökkversdóttir		Sigríður Hlynur H. Snæbjörnsson	
Gestur Jenson		Anna Karen Úlfarsdóttir	x
Björg Erlingsdóttir	x	Ólafur Rúnar Ólafsson	
Axel Grettisson		Ásrún Árnadóttir	
Jón Þór Benediktsson		Jónas Þór Jónasson	
Þorsteinn Ægir Egilsson	x	Halldóra J. Friðbergisdóttir	
Siggeir Stefánsson	x		
Jónas Egilsson	x	Áheyrnarfulltrúi	
Sigurður Þór Guðmundsson	x	Sigríður Jóhannesdóttir	
Gunnþór Eyfjörð Gunnþórsson	x	Valdemar Þór Karlsson	
Katrín Sigurjónsdóttir	x	Þórhalla Franklín Karlsdóttir	
Lilja Guðnadóttir	x	Felix Rafn Felixson	
Kristján Eldjárn Hjartarson		Guðmundur St. Jónsson	
Helga Helgadóttir	x	Sigríður Guðrún Hauksdóttir	
Ingibjörg Guðlaug Jónsdóttir		Nanna Árnadóttir	
Jón Valgeir Baldursson		Tómas Atli Einarsson	
Elías Pétursson	x	Særún Hlín Laufeyjardóttir	
Halla Björk Reynisdóttir	x	Þórhallur Jónsson	
Guðmundur Baldvin			
Guðmundsson	x	Geir Kristinn Aðalsteinsson	
Hilda Jana Gísladóttir	x	Gunnfríður Elín Hreiðarsdóttir	
Andri Teitsson		Rósa Njálsdóttir	
Ingibjörg Ólöf Isaksen		Unnar Jónsson	
Heimir Haraldsson	x	Lára Halldóra Eiríksdóttir	
		Jana Salóme Ingibjargar	
Gunnar Gíslason		Jósepsdóttir	
Eva Hrunn Einarsdóttir	x	Anna Fanney Stefánsdóttir	
Sóley Björk Stefánsdóttir	x	Berglind Ósk Guðmundsdóttir	
Hlynur Jóhannsson		Þórhallur Harðarson	
Helgi Héðinsson	x	Dagbjört Bjarnadóttir	
Sveinn Margeirsson	x	Margrét Halla Lúðvíksdóttir	
Jón Stefánsson	x	Halldóra Magnúsdóttir	
Hermann Ingi Gunnarsson	x	Rósa Margrét Húnadóttir	
Ásta Arnbjörg Pétursdóttir	x	Sigríður Bjarnadóttir	